



## Acta da Comisión Delegada

20 de xaneiro de 2020

**Lugar:** Reunión por medios telemáticos

**Hora:** 20:30 horas

Orde do día:

- 1.- Aclaracións ao regulamento de Dúation Cros con respecto aos títulos e seguros de 1 día.
- 2.- Modificacións de calendario oficial de Competición 2020
- 3.- Rogos e preguntas.

Asistentes:

Presidente-Gonzalo Mario Triunfo Delgado

Secretaria Xeral- Mónica Flores Ferreiro

---

Triatlón Ferrol (José Antonio Formoso)

Triatlón Santiago (Asiste con delegación do presidente José Ramón González)

Patricio Cruz Farías

Enrique Hernández (T. Rias Baixas)

Amando Guerrero (AD Náutico de Narón)

---

### ***Desenvolvemento da sesión e Acordos Adoptados***

Comeza a sesión ás 20:35 h.

#### **1.- Aclaración do regulamento de Dúation Cros con respecto a seguros de 1 día.**

*Art. 9.- Os títulos de campións e campioas galegos, obtidos na proba Campionato Galego só poderán ser outorgados a atletas con licencia FEGATRI. Os Campións absolutos tanto masculinos como femininos, recibirán tamén os correspondentes maillots de campións, que será entregado na ceremonia de premios de dita proba. Os posuidores deste maillot deberán vestilo en todas as probas da modalidade nas que participen, ata a celebración do Campionato Galego 2021.*

O presidente expón a situación que se deu na primeira proba do circuíto de Dúation Cros 2020, xa que houbo discrepancia á hora de decidir se unha deportista que competiu con seguro de 1 día (baixo o convenio de federados ciclismo) tiña dereito a levar o maillot de líder do circuíto. A deportista enviou un correo indicando que en ningún lugar se especifica o feito de que non sexa así xa que opta aos premios de proba.

Unha vez debatido concretase o seguinte.

1.- O regulamento oficial da FEGATRI -2020 no seu artigo 2 indica o seguinte "*O Campión Galego e a Campioa galega, de calquera modalidade, salvo os da categoría Cadete de Dúation Escolar que se regularán especificamente no artigo 3.2 terán que estar en posesión de licenza galega de tempada, e ben ter nacido en Galicia ou ben estar empadroados nun concello galego con antigüidade mínima de xaneiro da tempada anterior. \*O documento do padrón debe estar na Federación antes do remate da inscrición.*"

2.- De acordo ao artigo anterior ningún/ha deportista poderá ter o título de campión ou campioa galega do circuíto se non cumple os requisitos anteriores e iso é o que quixo transcribir o artigo 9 do regulamento do Dúation cros. Se ben na súa redacción que se acorda corrixir, mestura termos de campión e campioa galego/a na proba de campionato galego co maillot que será levado polos campión e campioa provisional do circuíto, estes en ningún caso poden ser campións galegos sen ter licenza galega polo tanto non lles corresponde ao final de cada proba se non recibir este maillot que é unha condición publicitaria do circuíto salvo que teñan licenza galega de triatlón de acordo ao artigo 2 do regulamento oficial de competición.

Acórdase por unanimidade redactar o artigo 9. do regulamento do Circuíto de Dúation Cros do seguinte xeito para que quede aclarado que só pode ser líder, lideresa provisional do circuíto quen poida optar ao campionato do mesmo, polo tanto deportistas con licenza federativa de tempada.

*Art. 9.- Os títulos de campións e campioas galegos, obtidos na proba Campionato Galego individual e do circuito só poderán ser outorgados a atletas con licencia FEGATRI (Art. 2 Regulamento Oficial de Competición FEGATRI). Os Campións absolutos tanto masculinos como femininos, recibirán tamén os correspondentes maillots de campións, que será entregado na cerimonia de premios de cada proba aos campións e campioas provisionais. Os posuidores deste maillot deberán vestilo en todas as probas da modalidade nas que participen, ata a celebración do Campionato Galego ou Circuito 2021 segundo corresponda.*

## 2.- Modificacións de calendario oficial de Competición 2020

### - Nada e corre

Solicítase a ratificación dos movementos de data das probas de Nada e Corre da zona sur. A petición da Asemblea Xeral para evitar coincidir co Cpto de España de Alcobendas O CN Pabellón modifica a data do Nada e Corre de Ourense e o CT Boiro que xa propuxera dúas datas indica que o Concello ten que facer o cambio ao 16 de febreiro.

Apróbase por unanimidade

Nada e Corre de Boiro- 16/02/2020

Nada e Corre de Ourense – 7/03/2020

### - Proba Popular

Así mesmo comunicáse para engadir ao calendario autonómico a celebración dunha proba popular de promoción, distancia Sprint, dentro do Evento Clasificatorio Campionato de España de Dúatlon de Poio- 23 de febreiro. Apróbase por unanimidade

### - Circuíto de Dúatlon de Estrada.-

Preséntase unha nova proba e o cambio de data de Lugo debido a imposibilidade de celebración na data prevista por celebración dun evento na mesma zona que impide garantir a seguridade dos circuítos por parte do Concello.

\* Dúatlon Cidade de Lugo datas propostas 29/3/2020-26/04/2020

\* Dúatlon de Vimianzo- 29 de marzo (solicita incorporación ao circuíto de estrada)

Acórdase incluir Vimianzo no circuíto de Dúatlon de Estrada o 29 de marzo e modificar a data do Dúatlon Cidade de Lugo pasándoo ao 26 de abril.

### - Tríatlon da Amizade

O presidente comunica a solicitude por parte do organizador portugués da proba "Tríatlon da Amizade" da nosa colaboración para continuar coa súa celebración en 2020. Debatido ao respecto acórdase solicitarles que nos envíen un proxecto concreto de colaboración cunha proposta de data para estudiar que non coincide con mareas vivas e que permita minimizar ao mínimo o risco na natación debida as correntes. En todo caso unha vez estudiado o proxecto acórdase ver tamén outras posibilidades de colaboración noutras especialidades que poidan encaixar nos nosos calendarios.

## 3.- Rogos e preguntas.

Non habendo rogos e preguntas levántase a sesión ás 21:10 h.

Asdo.- A Secretaria Xeral  
Mónica Flores Ferreiro



Asdo.- O presidente  
Gonzalo Triunfo Delgado.